

Edizioni

- letto 932 volte

Wallensköld

I.

Qui plus aime plus endure,
plus a mestier de confort,
qu'Amors est de tel nature
que son ami maine a mort;
puis en a joie et deport,
s'il est de bone aventure
mès je n'en puis point avoir,
ainz m'a mis en nonchaloir
cele qui n'a de moi cure.

II.

Onques riens ne fu si dure
d'âmant en mon recort.
Des souspirs et de l'ardure
et des lermes que je port
sui perciez par la plus fort
et mis a desconfiture,
et je n'ai vers li pouoir,
ainz rit, quant me voit doloir:
ci faut pitiez et mesure.

III.

Puis que pitiez est faillie,
bis m'en devroie partir;
mes sens m'en semont et prie,
mès mes cuers nel veut sousfrir,
ainz me het por li servir;
tant aime sa seignorie.
Dame, une riens vos demant:
que vous jugiez qui se rent,
se il a mort deservie.

IV.

Per maintes foiz l'ai sentie
en dormant tout a loisir,

mès quant pechiez et envie
m'esveilloit et que tenir
la cuidoie a mon plesir,
et ele n'i estoit mie,
lors ploroie durement
et melz vousisse en dormant
li tenir toute ma vie.

V.

Ma grant joie en dormant iere
si granz que nel puis conter.
En veillant ne truis maniere
de ma dolor conforter.
Bien me deüst trestorner
Amors ce devant deriere
li dormirs fust a oubli
et g'eüsse a veillant li;
lors seroit ma joie entiere.

VI.

quant li vueil crïer merci,
lors ai tal poor de li
que n'os dire ma proiere.

VII.

Raoul, Turc ne Arrabi
n'ont riens dou vostre sesi;
revenez per tens arriere!

- letto 707 volte

Credits | Contatti | © Sapienza Università di Roma - Piazzale Aldo Moro 5, 00185 Roma T (+39) 06 49911
CF 80209930587 PI 02133771002

Source URL: <https://letteraturaeuropea.let.uniroma1.it/?q=laboratorio/edizioni-449>